

宋史

第三
函
第十册

宋史卷一百三

禮志第五十六

禮六 吉禮六

朝日夕月

大火

司寒
馬祖

九宮貴神

壽星靈星

輔神
蜡

高禘

風伯雨師

七祀

朝日夕月慶曆用羊豕各二籩豆十二簋簋俎二天禧初太常禮院以監察御史王博文言詳定準禮春分朝日於東郊秋分夕月於西郊國語大采朝日少采夕月又曰春朝朝日秋夕夕月唐柳宗元論去夕之名者朝拜之偶也古者旦見曰朝莫見曰夕案禮秋分夕月蓋其時晝夜平分太陽當午而陰魄已生遂行夕拜之祭以祀日未前十刻太官令率宰人割牲未後三刻行禮蓋是古禮以夕行朝祭之儀又案禮云從子至已為陽從午至亥為陰參

詳典禮合於未後三刻行禮皇祐五年定朝日壇舊高七尺東西六步一尺五寸增爲八尺廣四丈如唐郊祀錄夕月壇與隋唐制度不合從舊則壇小如唐則坎深今定坎深三尺廣四丈壇高一尺廣二丈四方爲陛降入坎深然後升壇壇皆兩壝壝皆二十五步增大明夜明壇山罍二簋豆十二禮生引司天監官分獻上香奠幣爵再拜嘉祐加羊豕各五五禮新儀定二壇高廣坎深如皇祐無所改中興同

太一九宮神位在國門之東郊壇之制四陛外西南又爲一陛曰坤道俾行事者升降由之其九宮神壇再成第一成東西南北各百三十尺再成東西南北各一百尺俱高三尺壇上置小壇九每壇高一尺五寸縱廣八尺各相去一丈六尺初用中祀咸平中改爲大祀壇增兩壝玉用兩圭有邸藉用橐秸加褥如幣色其御書

祝禮如社稷尋以封禪別建九宮壇泰山下行宮之東壇二成成一尺面各長五丈二尺四陛及坤道各廣五丈上九小壇相去各八尺四隅各富五尺壇下兩壇依大祠禮及祀汾陰亦遣使祀焉自後親郊恭謝皆遣官於本壇別祭景祐二年學士章得象等定司天監生千淵役人單訓所請祀九宮太一依逐年飛移位次之法案郊良遇九宮法有飛棋立成圖每歲一移推九州所主災福事又唐術士蘇加慶始置九宮神壇一成高三尺四陛上依位次置九壇東南曰招搖正東曰軒轅東北曰太陰正南曰天一中央曰天符北曰太一西南曰攝提正西曰咸池西北曰青龍五數爲中戴九履一左三右七二四爲上六八爲下符於遁甲此則九宮定位歲祭以四孟隨歲改位行棋謂之飛位自乾元以後止依本位祭之遂不飛易仍減冬夏二祭國朝因之今于淵等所請合天

寶初祭之禮又合良遇飛棋之圖然其法本術家時祭之文經理
不載議者或謂不必飛宮若日月星辰躔次周流而祭有常所此
則定位之祀所當從也若其推數於回復候禎於恍忽因方弭診
隨氣考神則飛位之文固可遵用請依唐禮遇祭九宮之時遣司
天監一員詣祠所隨每年貴神飛棋之方旋定祭位仍自天聖已
巳入曆太一在一宮歲進一位飛棋巡行周而復始詔可慶曆儀
每坐籩豆十二簋簋俎二皇祐增壇三成又禮官言歲零祀外水
旱稍久皆遣官告天地宗廟社稷及諸寺觀宮廟九宮貴神今列
大祀亦宜準此熙寧四年司天中宮正周琮言太一經推算七年
甲寅歲太一陽九百六之數復元之初故經言太歲有陽九之災
太一有百六之厄皆在入元之初終今陽九百六當癸丑甲寅歲
爲災厄之會然五福太一移入中都可以消異爲祥竊詳五福太

一自國朝雍熙元年甲申歲入東南巽宮時修東太一宮天聖七年己巳歲五福太一入西南坤位修西太一宮請稽詳故事崇建祠宇迎之京師詔建中太一宮於集禧觀十太一神竝用通天冠絳紗袍元豐中太常博士何洵直言熙寧祀儀九宮貴神祝文稱嗣天子臣某以禮秩論之當與社稷爲比請依祀儀爲太祀其祝版卽依會昌故事及開寶通禮書御名不稱臣又近制諸祠祭牲數正配以全體解割各用一牢貴神九位悉是正坐異壇別祝尊爲大祀而共用二少牢於腥熟之俎骨體不備謂宜每位一牢凡九少牢詔下太常修入祀儀元佑七年監察御史安鼎言案漢武帝始祠太一一位唐天寶初兼祀八宮謂之九宮貴神漢祀太一日用一犢凡七日而止唐祀類於天地今春秋祀九宮太一用羊豕其四立祭太一宮十神皆無牲以素饌加酒焉載詳星經太一

一星在紫宮門右天一之南號曰天之貴神其佐曰五帝飛行諸方躡三能以上下以天極星其一明者爲常居主使十六神知風雨水旱兵革饑饉疫疾災害之事唐書曰九宮貴神實司水旱太一掌十六神之法度以輔人極國朝會要亦云天之尊神及十精十六度竝主風雨由是觀之十神太一九宮太一與漢所祀太一其是一神今十神皆用素饌而九宮竝薦羊豕似非禮意詔禮官詳定十神九宮太一各有所主卽非一神故自唐迄今皆用牲牢別無祠壇用素食禮遂依舊制崇寧三年太常博士羅畸言九宮諸神位無禮神玉惟有燔玉竊謂宜用禮神玉少倣其幣之色薦於神坐議禮局言先王制禮用圭璧以祀日月星辰所謂三璧者圭其邸爲璧以取殺於上帝也今九宮神皆星名而其玉用兩圭有邸夫兩圭有邸祀地之玉以祀星辰非周禮也乞改用圭璧以

應古制政和新儀立春日祀東太一宮立夏季夏土王日祀中太
一宮立秋日祀西太一宮立冬日祀中太一宮宮之眞室殿五福
太一在中君基太一在東太游太一在西俱南向延休殿四神太
一承釐殿臣基太一在東西向北上凝祐殿直符太一臻福殿民
基太一在西東向北上膺慶殿小游太一在中天一太一在東地
一太一在西靈貺殿太歲在中太陰在西俱南向三皇五方帝日
月五星二十八宿十日十二辰天地水三官五行九宮八卦五嶽
四海四瀆十二山神等竝爲從祀東西太一宮準此東太一宮大
殿五福太一在東君基太一在西俱南向太游太一殿在大殿之
北南向臣基太一殿在南北向小游太一直符太一四神太一殿
在大殿之東西向北上天一太一民基太一地一太一在大殿之
西東向北上西太一宮黃庭殿五福在中君基在東太游在西均

福殿小游在中俱南向延貺殿天一在中四神在南臣基在北俱
西向資祐殿地一在中四神在南臣基在北俱西向資祐殿地一
在中民基在南直符在東北俱東向九宮貴神壇三成成縱廣十
四丈再成縱廣十二丈三成縱廣十丈各高三尺上依方位置小
壇九各高一尺五寸縱廣八尺四陞坤道兩壇每壇二十五步如
舊制紹興十一年太常丞朱輅言九宮貴神所主風雨霜雪雹疫
所係甚重請舉行祀典太常寺主簿林大鼎亦言十神太一九宮
太一皆天之貴神國朝分爲二竝爲大祀比一新太一宮而九宮
貴神尙寓屋而不壇乃詔臨安府於國城之東建築九宮壇壝其
儀如祀上帝其太一宮初議者請卽行宮之北隅建祠後命禮官
考典故擇地建宮十八年宮成御書其榜十六一位於殿上南面
西上從祀東廡九十有八西廡九十有七皆北上孝宗受禪又建

本命殿名曰崇禧光宗又遷介福殿像於殿室而名新殿曰崇福
高禛初仁宗未有嗣景祐四年二月以殿中侍御史張奎言詔有
司詳定禮官以爲月令雖可據然周官闕其文漢志郊祀不及禘
祠獨枚臯傳言皇子禘祝而已後漢至江左槩見其事而儀典委
曲不可周知惟高齊禘祀最顯妃嬪參享黷而不蠲恐不足爲後
世法唐明皇因舊月令特存其事開元定禮已後不著朝廷必欲
行之當築壇於南郊春分之日以祀青帝本詩克禮以祓之義也
配以伏羲帝嚳伏羲本始嚳著祥也以禘從祀報古爲禘之先也
以石爲主牲用太牢樂以升歌儀視先蠶有司攝事祝版所載具
言天子求嗣之意乃以弓矢弓韞致神前祀已與胙酒進內以禮
所御使齊戒受之仍歲令有司申請俟旨命曰特祀卽用其年春
分遣官致祭爲園壇高九尺廣二丈六尺四陛三壝陸廣五尺壝

各二十五步主用青石長三尺八寸用木生成之數形準廟社主
植壇上稍北露其首三寸青玉青幣牲用牛一羊一豕一如盧植
之說樂章祀儀竝準青帝尊器神坐如句芒惟受福不飲回授中
人爲異祀前一日四侍請皇后宿齋於別寢內臣引近侍宮嬪從
是日量地設香案褥位各二重行有人於所齋之庭以望禰壇又
設褥位於香案比重行皇后服以緋宮嬪服朝賀衣服
褥位以紫祀日有司行禮以福酒胙肉弓矢弓韉授內臣奉至齋
所置弓矢等於箱在香案東福酒於坵胙肉於俎在香案西內臣
引宮嬪詣褥位東上南向乃請皇后行禮導至褥位皆再拜導皇
后詣香案位上香三請帶弓韉受弓矢轉授內臣置於箱又再拜
內臣進胙皇后受訖轉授內臣次進福酒內臣曰請飲福引訖請
再拜乃解弓韉內臣跪受置於箱導皇后歸東向褥位又引宮嬪

最高一人詣香案上香二帶弓韉受弓矢轉授左右及飲福解弓韉如皇后儀惟不進胙又引以次宮嬪行禮亦然俟俱復位內侍請皇后詣南向褥位皆再拜退是歲宮中又置赤帝像以祈皇嗣寶元二年皇子生遣參知政事王巖以太牢報祠準春分儀惟不設弓矢弓韉著爲常祀遣兩制官攝事慶曆三年太常博士余靖言皇帝嗣續未廣不設弓矢弓韉非是詔仍如景祐之制熙寧二年皇子生以太牢報祀高禘惟不設弓矢弓韉旣又從禮官言案祀儀青帝壇廣四丈高八尺今祀高禘旣以青帝爲主其壇高廣請如青帝之制又祀天以高禘配今郊禘壇祀青帝於南郊以伏羲高辛配復於壇下設高禘位殊爲爽誤請準古郊禘改祀上帝以高禘配改伏羲高辛位爲高禘而徹壇下位詔高禘典禮仍舊壇制如所宜改犢爲角握牛高禘祝版與配位竝進書焉又言伏

義高辛配祝文竝云作主配神神無二主伏羲既爲主其高辛祝文請改云配食于神元祐三年太常寺言祀儀高禘壇上正位設青帝席配位設伏羲高辛氏席壇下東南設高禘從祀席正配位各六俎實以羊豕腥熟高禘位四俎實以牛腥熟祀日兵部工部郎中奉羊豕俎升壇諸正配位高禘位俎則執事人奉焉竊以青帝爲所祀之主而牲用羊豕禘神因其嘉祥從祀而牲反用牛又牛俎執事者陳之而羊豕俎皆奉以郎官輕重失奉請以二牲通行解割正配從祀位竝用皆以六曹郎官奉俎今羊俎以兵部豕俎以工部牛俎請以戶部郎官政和新儀春分祀高禘以簡狄姜嫄從配皇帝親祠竝如祈穀祀上帝儀惟配位作承安之樂而增簡狄姜嫄位牛羊豕各一紹興元年太常少卿趙子畫言自車駕南巡雖多故之餘禮文難備至於祫無子祝多男所以係萬方之

心蓋不可闕乞自來歲之春復行高禘之祀十七年車駕親祀高禘如政和之儀

大火之祀康定初南京鴻慶宮災集賢校理胡宿請修其祀而以闕伯配焉禮官議闕伯爲高辛火正實居商邱主祀大火後世因之祀爲貴神配火侑食如周棄配稷后土配社之民下歷千載遂爲重祀祖宗以來郊祀上帝南大辰巳在從祀闕伯之廟每因赦文及春秋委京司長吏致奠成秩之典未始云闕然國家有天下之號實本於宋五運之次又感火德宜因興王之地商邱之舊爲壇兆祀大火以闕伯配建辰建戌出丙之月內降祝版留司長吏奉祭行事乃上壇制高五尺廣二丈四陛陛廣五尺一壝四面距壇各二十五步位牌以黑漆朱書曰大火位配位曰闕伯位牲用羊豕一器準中祠歲以三月九月擇日令南京長吏以下分三獻

州縣官攝太祝奉禮慶曆獻官有祭服建中靖國元年父建陽德
觀以祀熒惑因翰林學士張康國言天下崇靈觀竝建火德真君
殿仍詔正殿以離明爲名太常博士羅畸請宜倣太一宮遣官薦
獻或立壇於南郊如祀靈星之儀有司請以闕伯從祀離明殿又
請增闕伯位案春秋傳曰五行之官封爲上公祀爲貴神祝融高
辛氏之火正也闕伯陶唐氏之火正也祝融旣爲上公則闕伯亦
當服上公衮冕九章之服旣又建熒惑壇於南郊赤帝壇壇外令
有司以時致祭增用圭璧火德熒惑以闕伯配俱南向五方火精
神等爲從祀壇廣四丈高七尺四陛兩壇壇二十五步從新儀所
定紹興三年詔祀大火太常寺言應天府祀大火今道路未通宜
於行在春秋設位乾道五年太常少卿林栗等言本寺已擇九月
十四日依旨設位望祭應天府大火以商邱宣明王配二十一日

丙火祀大辰以闕伯配大辰卽大火闕伯卽商邱宣明王也緣國朝以宋建號以火紀德推原發祥之所自崇建商邱之祠府曰應天廟曰光德加封王爵錫諡宣明所以追嚴者備矣今有司旬日之間舉行二祭一稱其號一斥其名義所未安乞自今祀熒惑大辰其配位稱闕伯祝文位版竝依應天府大火禮例改稱宣明王以稱國家崇奉火正之意

諸星祠有壽星周伯靈星之祭大中祥符二年翰林天文邢中和言景德中周伯星出元宿下案天文志角亢爲太山之根果符上封之應望於親郊日特置周伯星位於亢宿閒詔禮官與司天監定議且言周伯星出氐三度然亢氐相去不遠竝鄭分兗州壽星之次宜如中和奏設位氐宿之閒以爲永式景德三年詔定壽星之祀太常禮院言案月令八月命有司享壽星於南郊注云秋分

日祭壽星於南郊壽星南極老人星也爾雅云壽星角亢也注云
數起角亢列宿之長故云壽星唐開元中特置壽星壇常以千秋
節日祭老人星及角亢七宿請用祀靈星小祠禮其壇亦如靈星
壇制築於南郊以秋分日祭之元豐中禮文所言時令秋冬享壽
星于南郊熙寧祀儀於壇上設壽星一位南向又於壇下卯陞之
南設角亢氏房心尾箕七位東向案爾雅所謂壽星角亢非此所
謂秋分所享壽星也今於壇下設角亢位以氏房心尾箕同祀尤
爲無名又案晉天文志老人一星在弧南一曰南極常以秋分之
日見于丙春分之夕沒于丁見則治平主壽昌常以秋分候之南
郊後漢於國都南郊立老人星廟常以仲秋祀之則壽星謂老人
矣請依後漢於壇上設壽星一位南向祀老人星其壇下七宿位
不宜復設慶曆以立秋後辰日祀靈星其壇東西丈三尺南北丈